



Cuvrida da puschineras avertas existentas

Fin il pli tard l'onn 2030 ston tut las puschineras vegnir cuviradas. L'Uffizi d'agricultura e da geoinformaziun (UAG) sustegna fin la fin dal 2025 las mesiras da construcziun per cuvrir las puschineras cun contribuziuns.

Sin fundament da l'Ordinaziun davart la protecziun da l'aria revedida (OPARia; CS 814.318.142.1) ston las puschineras sin ils manaschis activs l'entir onn e sin ils manaschis d'alpegiada esser cuvirids a partir da l'onn 2022. Sin basa da las disposiziuns transitoricas sto la realisaziun esser terminada fin il pli tard l'onn 2030. La cuvrada da puschineras cun effect duraivel, reducescha cleramain las emissiuns d'amoniac e da substanzas odurusas.

A partir da l'onn 2022 vegn la cuvrada da las puschineras controllada en il rom da la controlla generala da la planticultura respectivamain da la controlla d'alpegiada tras ils posts da controlla incumbensads. Cumpetent per realisar la mesira da la OPARia è l'Uffizi per la natira e l'ambient (UNA). Suenter las controllas vegn il UNA ad ordinar als manaschis cun cuviradas manglusas u mancantas d'eliminar las mancanzas entaifer in termin da 2 onns.

Pretensiuns generalas a las cuviradas

Correspondentamain a las pretensiuns per l'agid d'execuziun «Construcziuns ruralas e protecziun da l'ambient» (UFAM ed UFAG, 2011) ston las cuviradas ademplir las suandantas cundiziuns da construcziun:

- Las averturas ston vegnir limitadas ad in minimun e na dastgan tut en tut betg surpassar 6 pertschient da l'entira surfatscha da la puschinera.
- Il recipient da puschina sto vegnir emplenì sut il nivel da puschina. Per quest intent dovri in bischen sfunsabel ch'è segirà, per ch'el na possa betg sa distatgar nunspetgadain.

Admissibel è in grond dumber da variantas da cuviradas. Da princip vegni differenzià tranter folias flottantas e cuviradas fixas. Las folias flottantas han l'avantatg, ch'ins na las vesa strusch en la cuntrada e ch'ellas èn pli favuraivlas. Las folias pon senza problems purtar pli grondas chargias da naiv. Cuvridas fixas (p.ex. cuviradas da betun construidas al lieu, tetg da piramida u elements da betun precumprimi) èn cleramain pli charas che folias flottantas. Per regla retengan las cuviradas fixas l'aua da precipitaziuns. Variantas da cuvrada naturalas, cuviradas da flucs da strom u cuviradas d'elements flottants sintetics na correspundan betg a las pretensiuns legalas e na dastgan betg vegnir utilizadas per cuvrir las puschineras.

Contribuziuns chantunalas fin la fin dal 2025

Per cuntanscher svelt las finamiras pon vegnir concedidas – en il rom d'in sustegn chantunal – contribuziuns per la cuvrada da las puschineras existentas. Il UAG ha elavurà ina directiva, che pussibilitescha da sustegnair la cuvrada da puschineras existentas cun ina contribuziun finanziaria da 60 francs/m² da la surfatscha da basa. Las contribuziuns per questa mesira èn limitadas a 10 000 francs per manaschi e vegnan concedidas fin la fin dal 2025. La dumonda sto vegnir inoltrada avant che las lavurs da realisaziun vegnan cumenzadas ed approvada tras il UAG.

La directiva ed il formular d'annunzia stattan a disposiziun sin www.alg.gr.ch.



L'Uffizi d'agricultura e da geoinformaziun